

نسخه سی

۵ غروش

پوسته اجرتی

۲۰ پارمدر

تولک کینه کلوزی

استیتانبول

سنة ۱۰۸۵


۵۰ غروش

پوسته اجرتی

۱۰ غروشدر

شکر افانته محمد علی

شهراماتی طرفندره آبدیه بر نشر اولنور



سنة ۲

ایلول ۱۳۴۱

صافی : ۱۳

دولانی یکی بر علم و فن مؤسسه‌ای شکلی آلمشدر .
 بو علم و فن، اجتماعات علمناک اهمیتناک و مشکلی مسائل ایله
 مالی قسمندن برینی تشکیل ایدر . سائر ایشلرده منفرداً
 انکشاف ایتش قواعداشکالک تطبیقندن باشقه برشی
 اولاماز . اوروپاده بلدیله اصولی خصوصی بر اهمیت کسب
 ایتکده اولدیغندن، بلدیله رده پایلاجق ایشلرک انجه لکسه
 واقف مأمورین یتیشدیرمهک مخصوص مکتبلر آچلمشدر .
 بومکتبلردن پارس [بلدیله مکتب عالیسی] نلک تشکیلات
 وتدریسات پروغرامی شایان تدقیق وتبع کورولمکله
 تفصیلات لازمه‌ی جامع اوله‌رق ترجمه‌سی بروجه‌اتی درج
 ایدلدی . عصری برشهرده بلدیله رله متعلق نه‌کچی وظائفک
 کورولدیکی ومسائل ظهور ایتکده اولدیغنی فصول
 سرلوحه‌لرینک مطالعه‌سندن ده قولایجه آکلاشیله‌یه‌جکی
 بدیهی و آشکاردر . شهراماتی اقتصاد مشاوری

غیرسمانه

برحاله ایدکن نفوسک تکثری و محیطلرینک توسعه
 دولایسیله یکیدن یکی به برچوق وظائفک ایفای ضرورتی
 حاصل اولمش، عمومی قواعد اداریه‌نک تطبیقیله
 اکتفا ایدیله‌یه‌جکی آکلاشمشدر . هر آن تکثر
 ایتکده اولان احتیاجات مدنیه‌نک تطمینی، آنحاق یکی
 برطرز اداره وتشکیلاتک موقع اجرایه وضعی ضرورتی تولید
 ایتشدر . بلدیله اداره لرنده، علی‌العموم اداره اصوللرندن
 فرقلی ومنفرد بر اصولک تطبیقده باشلانشدر . بلدیله ر
 اداره‌سنده، حکومت اداره لرنده کورولمه‌ن احتیاجات
 مشهود اولدیغندن، بواحتیاجاتک درجه اهمیت وتأمینی
 چاره‌لرینک تحریسی، بلدیله اداره‌سنک الک مهم وظائفندن
 معدوددر . بوبایده اتخاذ ایدیله‌جک اصول وتشکیلاتک
 متکائب خلق کتله‌سی اوزرنده نه‌کچی تأثیرات حاصل
 ایده‌جکینده نظر اعتباره آلق ایجاب ایدر . بناء علیه
 حال حاضرده بلدیله رلرک اداره‌سی ایشک خصوصیتندن

پارس (بلدیله مکتب عالیسی) تشکیلاتی

و

تدریسات پروغرامی

حجیه ومعاونت اجتماعیه نظارتک تحت حمایه‌سنده،
 سن ایالتک مجلس عمومیسی طرفندن تأسیس ایدلمشدر .
 تشکیلات عمومییه — بومکتب عالی پارس شهرینک
 تاریخ وجغرافیا، اقتصادیات انستیتوسنه مربوط اولارق
 ۱۹۱۹ سنه‌سنده ایالت قرارنامه‌سیله انستیتونک
 دارالمساعیسنده تأسیس اولومش، بودارالمساعینک بوتون
 قوللکسیونلری مکتب مداومینک استفاده‌سنه تخصیص
 ایدلمشدر . بالاخره ۱۹۲۱ ده حجیه ومعاونت اجتماعیه
 نظارتک حمایه‌سی آتله کیرمش وبرتکامل هیئتک
 اداره‌سنه تودیع ایدلمشدر . مکتبه متعلق کافه مقررات
 وتکلیفات قبل‌الاجرا بوهیته عرض ایدیلیر . بوهیته
 بوجه‌آتی ذواتدن متشکلدر .
 رئیس — (سن) ایالتی امینی .

رئیس ثانی — (سن) ایالتی باش کاتبی .
 باش کاتب — « مشاور عمومیلرندن .
 اعضا — « « « « « بش‌ذات .
 « — حقوق فاکولته‌سی معلمی .
 « — حکومت باش معماری .
 « — حجیه اداره‌سنک فخری رئیس .
 « — غرب تذکاهلری محافظی .
 « — پارس شهرلنده اوجوز اقامتگاه تدارک
 ایدن دائرة رسمیته‌نک کاتبی ومشیر مشاورلرندن ایکی‌ذات .
 اعضا — پارس شهری نافع مدیر عمومیسی .
 « — پارس شهرینک توسع مدیری .
 « — (سن) ایالتک معماری ونفاست وشهرک
 توسع خدمت فنیه دائرة‌سی مفتش عمومیسی .
 اعضا — (سن) ایالتک حجیه ومعاونت اجتماعیه
 ومساعی مدیری .
 اعضا — (سن) ایالتک مسکن اموری مفتش عمومیسی

اعضا — تاریخ و جغرافیا و شہرک اقتصادیات بلہ مشغول دارالمساعی مدیری و سائرہ در .

تدریسات کاتی - تدریساتہ متعلق ایشلر دہ درسلرک تنظیمی تسہیل ، فرانہ ایلہ خارجدن کلن ہیئت معلمین و طلبہ عائد و نائقی احضار و تدارک ایتمکہ مکلفدر .

مکتب عالینک مداومینی ایلہ ماذونلرندن مرکب بر طلبہ جمعیق وارد . بوجمیت (۱۹۲۱) دہ سن ایالتی امینک ریاست فخریہ سندہ تشکل ایتشددر .

(مکتبہ قید و قبول و شرائط تدریسیہ)

مکتبک سنہ تدریسیہ سی تشرین ثانیدن تموزہ قدر دوام ایدر . درس لری تعقیب ایدہ بیلیمک ایچین تکامل جمعیتمک مساعدہ مخصوصہ سی استحصال ایتلمک ایجاب ایدر . تدریسیہ متعلق و لازم اولان و نائقی ، مأموریہ و عنوانہ عائد اوراق ایلہ برابر مکتبک باش کتابتنہ مراجعت ایدلمسی مقتضیدر . تدریسات بحانی اولوب ہر درس ہفتہ ہدہ بردقہ مخصوص اولان مدت ظرفندہ تدریس اولنور .

تدریس آندن لایقہ استفادہ ایدہ بیلیمک ایچین اوقونہ حق درس لہ متعلق معلومات و تربیہ عمومیہ بی مکتسب ہر مالی و شہر مسائلی - قندہ معلوماتی جامع آثار و مجموعہ لک اکثریسی انکیز و آلمان لسانلریلہ یازلدیغندن بو ایکی لسانہ واقف اولقی فائدہ لیدر .

تدریسات مدتی ایکی سنہ در . تدریسات و درس ل میانندہ ویریلن قوفنر اسلرہ اشتراک طلبہ ایچین مجبوریدر . درس و قوفنر اسلرہ دوام ایدلمزہ برنجی و ایکنجی سنہ امتحانلرندہ غیر مداوم عد اولنور . بوجبوریہ برلی طلبہ ایچین قطعیدر . یالکیز طشرہ دن کلنلرہ اجنبی طلبہ ایچین ماذونیت آلتی صورتیلہ قابل اہمالدر .

مکتبک بردہ احضاری قسمی موجوددر . بوقسم ایالت و یا شہر مأمورینک تکاملی و یادوغریدن دوعریہ مکتب تدریساتی ایچین تخصیص ایدلمشدر . احضاری تدریسات ایکی سنہ اولوب ایکیشر قسمہ تقریق اولنمشدر .

(برنجی صنف)

برنجی قسم — [اون ساعت] ادارہ یہ متعلق اعدادی معلومات ویریلیر .

ایکنجی قسم — [یکرمی ساعت] حقوق مدنیہ عائد اعدادی معلومات ویریلیر .

(ایکنجی صنف)

برنجی قسم — [یکرمی ساعت] ادارہ یہ متعلق اعدادی معلومات ویریلیر .

ایکنجی قسم — [اون ساعت] حقوق مدنیہ و تجاریہ عائد اعدادی معلومات ویریلیر .

احضاری تدریسات سایہ سندہ ایلک سنہ بلدیہ مأمور لری احضار و ایکنجی سنہ دہ ادارہ کاتبلری یتشدیرلش اولنور .

(مکتبک امتحان و دیپلومالری)

مکتب عالینک درس لری منتظما تعقیب ایدن طلبہ سنہ درسیہ نہایتندہ موفقیتلہ امتحان و بررسہ دیپلوما آلایلیر . درس لک منتظما تعقیب ایچین مرعی نظامات ہر سنہ تکامل ہیئت طرفندن تقرر ایتدیریلیر . بویہئت طشرہ و خارجدن کلن طلبہ بی دروسک تعقیب خصوصندہ مستتنا عد و لازمکلن تأمیناتی بخش ایلر و بونلر خصوصی صورتندہ امتحان ایدیلہ بیلیر . برنجی صنف درس لندن ایکنجی صنفہ ترفیع ایچین یابیلاجق امتحان شفاهیدر و درسی تدریس ایدن معلمک حضورندہ امتحان اجرا اولنور ہر درس دن قازایلاجق نومرو صفردن یکرمیہ قدردر . ترفیع صنف ایچین اصغری اون نومرو آلتی ایجاب ایدر . ہر حالندہ اوندن دون اولارق آلتی نومرو آلان طلبہ تکامل ہیئت طرفندن معین زمانندہ تکرار امتحان ویرمکہ ماذوندر . آلتیدن آشاغی نومرو آلانلر رد ایدیلیر . درس لک ختامندہ یابیلان امتحان ایکی قسمدر . بری شفاهی ، دیگریدہ تحریری اولوب شفاهی بی متعاقب برمسئلہ احضاریہ مدافعہ سی طلب اولنور .

برنجی قسم بر ویا بر قاج جلسہ دہ خصوصی مسئلہ یہ متعلق اولمایان درس لک معلم لری مواجہہ سندہ ویریلیر .

۱۹۲۱ - ۱۹۲۲ سنه سنده آئیده کی مسائلی مدافعه
ایدنلره دیلومالر ویرلشدیر .

۱ - پارس حوالیسنده کی کوچوک اولرک تشکیل
ایتدیکی محلله .

۲ - طیاره لمانده باغچلی محله تشکیلاتی .

۳ - شهرلرک حقی برصورتده تشکیلاتی (صوبولری،
لغملری و جاده لرک لفظلری کی خصوصاتک حقی برصورتده
تأسیس و تشکیلی) حقنده برلایحه .

۴ - یزانس شهری حقنده برلایحه .

۵ - (دونی) شهرینک توسی حقنده قباطاسلاق
برپروژه (آوان پروژه)

۶ - (ژنه ویله) شبه جزیره سنک انکشافی

[تدریسات ذهنیتی]

تدریسات هر قدر مختلف مسلک ایچون خصوصی بر
احضارات دأتره سنده جریان ایدرسده عینی زمانده طایفه
ذهنیتک انکشافی و تربیه وطنیه سی ایچون بر تهمه تشکیل
ایتلیدر. بو خصوصده اساسی بر فکر و بره بیا مکن ایچون
علوم سنایه مکتبتک پروغرامدن اقتباس اولونان شو :
« تحصیل عملی هیج بروقت نه معین بر مسلک دار
بره دفه دوعری یورون ونده بر امتحان پروغرامنک
محدود بر چرچوه سی داخلنده قالان کودوک بر تحصیل
اولمالیدر . دور حاضرک کنج بر فرانسیز ایچون تحصیل
عملی ، ای معلملر ایدیمله چوق معلومات طوبیلاقم ، قابلیت
شخصیه سی اکلایه رق تهذب و تربیه ایتکدر . کوریلن
لرزم اوزرینه مأمور ایش باشه چاغرلایندره بوتون قابلیت
و قدرتی کچیره جکی حیات مساکیه سنده تظاهر
ایتدیره بیلمه لیدر . امتحانلر ده موقیت بر طایفه یه فضل بر قیمت
و مزیت و یرمیوب حقیقت حالده عملی ذهنیتی مسلک
متأدیاً تجدد ایدن تجاربه کوره حرکت ایتک ایچون
حاضر لغش اولمق ایجاب ایدر . کنج بر عملی بر پروغرامک
درت دیواری داخلنده بر قیمت اصلیه سی اولمان غیر عملی
تجارب حاضر لمقله قناعت ایتیهوب بالعکس مملکتی ،

بو معلملر اصغری اوچ ذاندن مرکب اولمالیدر .
هر درس ایچین صفردن یکرمی یه قدر نومرو
و یریه بیلیر . هر هانکی بر درسدن (۹) نومرو و یرلدیکی
تقدیرده امتحان قزائامش اولور . اساس درس لر ایچون
قوللانیلان مضروب ایکی ایسه مربوط قوتلر انسلر
ایچون بردر .

مسئله نك مدافعه سی طایفه طرفندن انتخاب ایدیلن
ذاتک تحت ریاستده بولان و تکامل هیئتیه تدریسات
کاتبی طرفندن تعیین ایدلش اولان اوچ معلمدن عبارت
بر هیئت حکمیه (ژوری) قارشوسنده اجرا ایدیلیر .
بونده صفردن یکرمی یه قدر نومرو و یریلیر . بو امتحانک
مضروبده اوچدر .

دیلوما ؛ امتحانلری متعاقب امتحان نومرولرینک
درتده اوچنی قزانان طایفه و یریلیر . مسائلی انتخاب و تعیین
و بونلره متفرع معاملات تدریسات کنایتمده اجرا اولور .
بر مسئله نی ترتیب ایدن کیمسه مذکور مسئله نی ترتیب
ایتدیکی وقت تکامل هیئتک تحریری ، اذونیته اَلْمَقْضِیْنِ
اشبوسمیه نی نشر ایتهمک مکلفیتی درعهده ایدر .

برنجی احضاری قسمک دروسی منتظماً تعقیب ایدن
طایفه برنجی سنه نهایتده و ایکنجی سنه احضاری قسمک
دروسی تعقیب ایدن طایفه ایکنجی سنه نهایتده شفاهی
بر امتحان یاپیلیر و شعبه نك پروغرامنده بولان مواد
حقنده برده تحریری امتحان و یردیکی تقدیرده مکتب
طرفندن کندیسنه تصدیق نامه و یریلیر . مسائل هیئت
حکمیه سی (ژوری) لایق اولان طایفه مکافات اعطاسی
و مصارف تحصیلیه و یا مصارف سفریه تخصیصی تکلیف
ایدیه بیلیر . مصارف تحصیلیه و یا خود سفریه آلان بر کیمسه
تکامل هیئت طرفندن تعیین ایدیلن مهلت داخلنده بر راپور
و بر مکه مجبوردر .

تدریسات کتاتی دیلوما ، تصدیق نامه و یا خود تقدیر
اولان مکافات حقنده کی تحریر ایدن ماعدا برشی و یره مز .
مکتب طرفندن و یریلن دیلوما و تصدیق نامه (سن)
ایالتنک مأمورلری سجللر نده عنوان مغضرت ستون کچر .

(تدریسات، قوفرائس، کتبخانہ، موزخانہ، سرکیلر، تیارولر، قونسرلر) کی منابعدن معلوت مقتضیہ اعطا اولئور .

[معلومات عمومیہ]

درس لمکتبک درس مفردات پروگرامدہ کوسترین کونردہ واقشام اوسنی ساعت آلتیدہ تدریس اولئور . کتبخانہ، قرائت سالونلری، خصوصی کتبخانہ و دارالمساعی خصوصی ساعتلدہ آجیق بولوندریلیر .

[درس پروگراملری]

(مباحث)

شهرلرک انکشافی :

۱ — شهرلر حال انکشافدہ ذی حیات بر بدن عد و ملاحظہ ایدیلیر .

شهرک تشکلاتی و تشکلاتک اسبابی (عملی تشکلات ، وضعیت جغرافیہسی ، اقتصادی و تاریخیہسی . جمعیت بشریہ نک احتیاجی، شہرہ اعمارات و آبپلان ایشار ، شہر تشکیلاتندہ سیاستک اہمیتی .

مسائلک تدقیقہ متعلق منابع عمومیہ ، شہرلر علمی ، ملاحظہ عامیدر . شہرلردہ کی حادثاتک ملاحظہسی .

۲ — طاش دورینہ عائد ایلک تاسیسات بشریہ بوخصوصدہ کی طبیعی کچید یوللری، انسانلرک احتیاجنی ایضایعنی ایچون موافق برلرک یابدینی رولی ؛ بحال طاش دوریندہ پاشایان انسانلرک تمکنی وعناصر مضاعفہسی : حیواناتک ہیلشدرلمسی . حیوانات زراعتی ، بودورک انسان تراکائی ، لونڈلری محلہ استعمال ایتدکلری وسائط تدافعیہ .

عقائد دینیہ نک ، ضویک ، طبیعی کچید یولنک ، موقعک صورت مدافعہسی تشکیلات .

طونخودمیرد ورلرینہ عائد تراکات معادنک استعمالی ایلہ ظہورہ کلن ترقیات وتمکنک یکی برعملی . شہری تدقیق نقطہ نظرندن انکشافک صورت حصولی و بویوک تقسیمات عصریہ .

مسئلہ نک وضعیتی ، حیاندہ یاجنی رولنی و فعالیتتی تصور و تفکر ایدہ بیلملیدر . قسم آلمشدر .

دروسہ یک از ساعت تخصیص ایدیلکی ایچون پروگرامدہ ہر درسہ عائد مباحثک کثرتی نظر اعتبارہ آنوب غایت شمر بر اصول تدریس تعقیب ایدملیدر . بالعموم مواد حقدہ خطوط اساسیہ واستقامت چیزلی وایشک ذہنیاتی او یاندیرمق ایچین لازم کلن اصول تعقیب وتعیین ایدملی ، شخصی سنی وغیرت او یاندیرملیدر . ہر درس نظری بر قسمدن و عملی مساعیدن عازندر . شہر علمی اساساً بر مشاہدات علمی اولدینی ایچون تدقیق تزلزلری مناسبتلہ مختلف تظاہرات وحادثات بلدیہنی ناصل مشاہدہ وتدقیق اتمک لازم اولدینی او کرم نیلمیدر .

پارس بلدیہ مکتب عالیسی احضاری قسمی ہر سنہ سن ایالتی امانتیلہ امانتہ مربوط دوائر ایچون فی واداری مأموریتشدر یسور . بومؤسسائدن (بلدیہ باش کتبلری ، مهندس ومعمارلری ، پول ، صو ، لیم ، حبیہ ... اسل) کبی بلدی ایشلردہ مستخدم وشہرک تزیینی ایچین باغچہ معمزلری کبی مسلك از بابی دہ پیشیر . شہرک اقتصادیاتی وحیات اجتماعیہ سبلہ علاقہ دار بولونان (اہون قیائلہ مسکن جمعیتلری اعضاسی ویا دوائر رسمہ ایلہ اداری وفنی تجارت او طہلرینک مأمورلری ... اسل) کبی وظائفک ایضاسہ مقتدر مأمورلدہ نشأت ایدر . بوتدریساتدن مطلوب غایہ الکزیادہ شہرلرک تزیینی ومرور وعبورک تنظیمی وتوسع ، اعمار خدمتلدہ بولونق ، بلدیہ بلانلری تنظیم ایدہ بیلمک اقتدارینی حائر فن ، مهندس ومعمار مأمورلری کبی مہم ایشلری کوردہ بیلہ جک ذواتی بتشدیر مکدر . پارس بلدیہ مکتب عالیستدن دیلوما آلان ذات ، سن ایالتندہ مأمور نامزدی عد اولدینی کبی پارس شہرینک ورکو تحصیل قسمی قومیسر لکنندہدہ استخدام اولونایلیر .

[اجنبی طلبہ]

مکتب عالی مداومینہ وبالخاصہ دیار اجنبیہ دن کلنلرہ مساوی حیات بشریہ احتیاجاتندن اولان (اقامتکاہ واعاشہ ... اسل) حقدہ وپارسدہ معنوی حیات بخش ایدن

شہر، برہمکتک سیاسی واجتماعی احوالک انعکاسی اولدینی .

۳ — فرعونلر زمانندہ مصردہ کی شہرلر وبوشہرلرک تشکیلی وانکشافی، عقائد دینیہ نک ومبدلرک رولی، محتشم شہرلر، منتظم پلانلی شہر، شہرک احتشامی وانظامی، مراسم جادہ لری وآنلرک تزیناتی، مفیس وتب کبی شہرلرک تعریفاتی .

کلدانی وآنوریلرک دور تمدندہ کی شہرلر .

معابد الہیہ وحکمدار سرایلری تراکتنک عینی صرمدہ طوٹلی، بوشہرلرک منظرلری ومواقع مستحکمہ وصفلری، نینا وبابل کبی شہرلرک تعریفاتی، معابد جادہ لری، منتظم کذرکاک پلانلری. رؤسای روحانیہ شہری، (قورس آباد) شہری کبی ہرجہتی منتظم برہان اوزرہ میدانہ کتیرلش شہر .

عسکری اردوکاھلردن انتقال ایدن شہر کذرکاکھلر ندہ کی آنوری عصری .

مدیا واسکی ایراندہ کی رؤسای روحانیہ شہرلری .

۴ — اسکی یونان عالمندہ شہر، یونان شہرلری مرکز لرینک طرز تشکیلی، کریددہ کی اسکی یونان شہرلری مسینا دورندہ کی اسکی یونان شہرلری، اسکی آتہ شہرینک ظہور وانکشافی .

اسکی یونان شہر مرکزینک وضعی . اسکی یونان شہر تشکیلاتی : حصار، بازار یری، قبل المیلاد بشنجی عصردہ کی منتظم کذرکاک اصولی، اسکی یونان مستعمرہ شہرلرینک کوریشی، منتظم کذرکاکاہلہ مستعمرہ شہرلری. مصردہ کی یونان قدیمک تجاری آتہ بولر شہری وبونلرک خصوصی اوصافی : مصردہ زافراطیسی شہری .

۵ — فیکہ لیلرک شہرلری (قارطاسجہ، صور، صیدا)

۶ — دردنجی عصردہ (قبل المیلاد) یونان شہری بول تشکیلاتک تنظیمی خصوصنک ظہوری. آرتستوطہ نظراً شہر، اسکی یوناندن منتقل دور، اسکندر کبیر

وخلفلری، بونلرک شہر تاسیساتی . بوشہرلرک وضعی، آنلرک منتظم کذرکاک پلانلری. (اسکندریہ، ازیر، برغمہ، آنطاکیہ وسائرہ) کبی .

عصر اخیرک یونانی — آسیائی شہرلری، اونک منتظم کذرکاک پلانلری، شہرک محتشمکی، درجہ نفاسی، ستونلی کنیش جادہلر، جادہلرک منظرلری اولسی، یکی بریدان اصولک ظہوری (سادہ جہ ترینہ مخصوص میدان)، دردر ستونلی، ایونیک باشلی چشمہ وفقہ وحوضالہ مزین محارر، معابد، حماملر، تیارلرلر... الخ ۷ — مرکزلی وشمالی ایتالیاک الکاسکی شہرلری، ساحل شہرلری، اہالی قدیمک تاثیراتی .

شہر تنظیمی حقندہ رومالیرک معلوماتی : حسن نقال ایچون اوغورلی برہان ترتیبی، روما اردوکاھلری طارقدن کذرکاک تنظیمی، اردوکاھدن ظہور ایدن شہرلر، بونلرک صورت تشکیلی، روما مستعمرہ لرینک مساحہ وکذرکاک پلانلری، روما مساحلرینک مطالعہ لریتہ کورہ مستعمرہ شہرلری، رومانک ظہور وانکشافی، دینی، عسکری، تجاری، بلدی وسیاسی نقاط نظرلرینک موقع تطبیقہ وضعی، حکومت شہرلری وظفرلری، روما شہر — بنک مختلف دورلردہ کی اجتماعی احوالک شہرہ اولان تاثیر وانعکاسی، بویوک سرمایہ داران شہرینک مرکزلی، آسیادہ یونان مدینتک شہر نفاسی حقندہ اولان ملاحظاتک قبولی، روما شہرینک برنجی عصردہ یا تہ سندن صوکرہ تبدل ایدن شکلی . روما ایمپراطورلنی شہرینک تعریفی . شہرک ظفر وضعیتی . روما شہرلری . بوشہرلرک رسمی میدانلری، حصارلری... الخ. شرقی روما بیزانس شہری، بیزانس اصولی شہرلر .

رومانک دور انحطاطندہ وبالخاصہ اسکی فرانسدہ کی شہرلر، باربارلرک استیلاسی اوزرینہ شہرلرک طوبلو پاپلسی، بو حادثہنک اعصار آتہ ایچون اولان شہرلرہ نفوذی، خرسبتان دینتک قبولی وشہرلرہ تاثیری، روما شہرلر مرکزینک دوام حیاتی .

۸ — قرون وسطائک برنجی قسمندہ ویا املاک امیریہ اقتصادیاتی زمانندہ کی شہرلر، اعاشہ ایدن طو براغک

اولسان پلانری، حیاتک انکشافی و شہرلرہ تأثیری،
اون یدنجی عصرده وسائط نقلیہک انکشافی، عمومی
تزرہ محالری، تفرج میدانری و بولار، فرانسر اصولی
اوزرہ پایلان باغچہ، کوزل یابلار، یووارلاق و ییلدیز
واری میدانلر و بوبوک جادہلرک ظہوری.

پارس ولایت شہرلری، بلدیہلرہ اداره، مامورلرینک
آناری.

ایتالیا، آلمانیا، فلمنکدہدہ تجمددورینہ عائد شہرلر،
طارق مواصلہلک تبدیلی، شہرلرک مقدراتی، وندیکنک
انحطاطی... واصل.

شہرلرہ بنایرلر، اون بشنجی عصرده جنوہ، اون
آلتنجی عصرده طیون، لیزبون، اون یدنجی عصرده
آمستردام شہرلرینک ثروتی، قیمتدار معدنیاتک بکی بولی
وایشیلہ شہرینک اون آلتنجی عصرده کی ثروتہ تأثیری،
اون آلتنجی عصرده آنورس شہرینک بوبوک رولی، اون
سکزننجی عصرده لوندرہک قفوی، اون آلتنجی واون
یدنجی عصرلر دن سوکرا تأئیس ایدیلن مستعمرہ شہرلری،
اون آلتنجی واون یدنجی عصرلر دن سوکرا منظم پلانلی
شہرلر (نالس، وریایل و سائرہ...)

۱۱ — اون سکزننجی عصرک برنجی نصفدن
صوکرہ صنایع عظیمہ و اقتصادی کشفیات دورندہ کی
شہرلر، علم و فنک ترقیاتی و عملی تطبیقاتی، اون سکزننجی
عصرک نصیف اخیرندہ انککترہدہ و قوعبولان انقلاب
صناعی؛ صنایع کیرہلک ظہوری، شہرلرہ تأثیری،
اون سکزننجی عصر نہایتدہ کی فرانسه اختلال سیاسی،
اون طقوزنجی عصرک ہدایتدہ فرانسیہ صنایع کیرہلک
دخولی، صنایع کیرہلر دن دوغان اجتماعی دور انکشاف
وسائط نقلیہ، مخارہ و ساقطندہ انقلاب، سرمایہ دارلنک
حکمران اولماسی، شہرلر اشکالک تبدیلی، بونلر دن
بعضیلرینک حددن افزون بویومسی، طشرہلر دن مہاجرت،
بوبوک شہرلرہ خارجدن کلنلرہ داخلہدہ بولونانلر طرفدن
محیطک توسیعی کبی اہالی حرکتینک مضاعف تأثیری.
(مرکزہ دوغری و مرکز دن باعد حرکتی) برمنطقہ

تأمینی حاکمیتی، بوبوک املاک امیریہ مرکز لرنده بوبوک
شہرلرک میدانہ کلی و آنلرک منظرہ خارجیہ سی، کلیسا
و مناسترلر (دینی مؤسساتک اطرافندہ تشکل ایدن
تراکات). استحکامات.

۹ — اون بردن اون دردنجی عصرہ قدر اقتصادی
ملکیتلر دورندہ کی شہرلرک علامت فارقتی شونلر در:
تجاری و صناعی اساسات شہرلرک علامتیدر. شہرلرک
شخصیتی، ملحقاتی ایلہ برابر شہرلر. قوتی بلدیہلرک
ظہوری، ذہنیت و صنایع نفیسہک فوق العادہ ترقیسی،
سرمایہ دارلنک ظہوری، شہرہ دوغری مہاجرتک
منشألری. شہرلرک سیاسی، بازاری، صنایعک یرلشمسی،
شہر اقامتی بناسی و حیات بلدیہک مرکزی، اغنیا
قوناقلری، بلدیہ مامورلرینک ایلک اثرلری، شہرلرک
عمومیت اعتباریلہ نقاست مخصوصہ سی، اون اوچنجی واون
دردنجی عصرلر دہ منظم بر پلان اوزرینہ انشا ایدیلن
بکی شہرلر و کوچوک حصارلر و کوشکلر.

۱۰ — اون بشنجی عصرلر صوکرہ اقتصادیات
ملیہ دورندہ کی شہرلر، ماترک تشککنہ کورہ شہرلرک
تنظیم و ترتیبی، انسانلرک طوپراقہ اولان رابطہ سی
کوشیور، یوز سنہ محارہ سینک شہرلر نقطہ نظرلر دن
نتایج اجتماعی سی، جغرافی و تجاری ساحہلرک توسی،
بوبوک اعمال و تجارتلر دوری. سرمایہ دارلنک ترقیاتی،
شہرلرک یکدیگرلر دن فرق و تقاضلنک باشلامسی، تجمدد
دوری، شہرلرک انکشاف نقطہ نظرلر دن تعریفی واونک
شہرلرہ اولان نفوذی، امیرلرک مطلقیتی و امیرک شہری،
یونان و رومالیرک فکر اساسیلرینہ استناد ایدن شہر
نقاستی، دوغری بولار، شہرلرک منظم و متناظر مناظر
عمومیہ سی، قدیم، آسیا شہرلری و یا رومادہ کی امپرا-
طورلرہ مخصص بوبوک میدانلر طرز زندہ پایلان سوس
میدانلری، ہیکلر و طاقظفرلر، روماطرلر معماریسندہ
ظفر مناظری، مبنای، کوپرلر و سائرہلک طرز معماری
عتیقی، اون آلتنجی عصرده کی شہرلرک بکی استحکاماتی،
عینی عصرده کی شہرلرک طرز توسیعی و ترتیب و تنظیم

ثروت تقسیمی، صنف اجتماعی، استهلاکات، شهرلرده اهایلنک فقر وسفالته دوجار اولسی.

۳ — ذهنی و اخلاقی نقطه نظرند؛ اهایلنک مدنی و اخلاقی اوصاف میزه سی، جنایات وفحش ... الخ.

عالمه بودجه لری تدقیقاتندن تدارک ایدیلن معلومات متقابله. احتیاجاتک درجانی، بحرانلرک اصلی و یکدیگریته مربوطیتی، علی العاده احتیاجاتک و شهرده و بالخاصه پارسده کی بحرانلرک موقتاً تخفیفی حقدده عمومی برنظر،

[۲ — فعالیت اجتماعی]

بلدی مداخلات حقدده تاریخی و نظری معلومات عمومی و فرقه لک وضعیتی و پروگراملری، حکومت ایله شهرل آراسنده کی مسئولیتک مذاکره سی، دوعریدن دوعریه و بالواسطه مداخله. شهرلک وظائفی، بودجه، ویرکو، املاک.

استعمال ایدیه لک اولان تدابیرک تصنیفی: صحی، اقتصادی ومدنی نقاط نظرندن شهری حیاتک مادی قسمی ایله مشغولیت لزومی، مساکن مسئله سی.

آ — صحی تدابیر: اصلاح مساکن، شهرلک پلانی واونک اجتماعی اساساتی، عقار، طوبراق سیاستی، مناطق، بانچه لی محلات، نقلیات، خصوصی مساکن صنوف مخصوصه مساکن (متعدد عالمه لره منفرد افراده مخصوص) شهرلرده کی اسکی محللرک استمالک وتطهیری، شخصی مساکنک حفظ الصحه یه موافق برحاله کوتلی، ب — حفظ الصحه یه عائد تدابیر، دکانلر، مکتبلر و دیگر جمعیتی محللرک حفظ الصحه یه موافق برحاله کتیرلسی، حاملر مواد غذائی و بالخاصه سوت، ایچیه لک صو، اشیای مستعمله، ایلک چوجقاق، تحصیل چاغنده کیلرک صحی، امراض عمومی مجادله سی: ورم، ابتلائی کثول امراض زهرویه، خسته لرک تدویمی.

[۳ — اقتصادی تدابیر]

آ — استحصالاته نظارت، شهرلک تأسیسات صناعیه سی و شهرلرده مأمورین ومستخدمین ایچون فعالیت

استیعابیدن شهرلر، شهرلره اقتصادی تأثیراتک مناطق، تفوق اوصافه کوره شهرلرک تصنیفی، بودورده کی شهرلرک نفاسی، یکی شهرک احداثی، بویوک صنایع و اقتصاد دوزنده انکلتاره، فرانسه، باجیقا، آمریکا، ایتالیا، جنوبی آمریکا، انکلیزمستعمراتنده وزاپونیا ده کی شهرلر، بحر محیط اطلاسیدن صوکره بحر محیط کبیر دورینک رولی، ماضی وحال حاضرده شهرلرک طبقات - الارض، جغرافیا، علم جوه عائد تاریخی، اقتصادی واجتماعی اساسات اوزره تحلیل وتفریقی وتوزیعات، تربیات، تربیات، تنظیمات بلانلرینک آکا کوره تنظیمی.

[شهرلرک تربیات اجتماعی سی]

ملاحظات مقدمه: بلدیذهنی، اداره بلدی، معلوماته احتیاج، اصوللر: (عالمه ومختلف جمعیتلر افرادینک تدقیقاتی ایله مقایسه سی ذهنی، اخلاقی، اقتصادی، صحی نقاط نظرندن معاینه وتدقیق احتیاجی) منابع، بلدی، احصایات وتدقیقات شعبه سنک تشکیلاتی.

[۱ — بویوک شهر خلقی، سن ایالتنک احتیاجاتی]

وبحرانلری

فرانسه ده شهرلرک ناصل تشکیلاتیکی وبالخاصه پارسک صورت توسیعی حقدده معلومات عمومی، شهرلرک خصوصاً پارس بلده سیله حوالیسی خلقنک اصلی وترکباتی علامت فارقه سی، بلا واسطه اجرا اولنان مشاهدات واحصائیانه کوره خصوصی احتیاجات وبودن متولد بحرانلر:

۱ — تعریف حفظ الصحه نقطه نظرندن خلق: جنس، سن، خلقک سجل نفوسه کوره نه حالده اولدقلری؟ نسل ومهاجرت، تولدات، وفیات واحوال صحیه، شهرلرده ادعا ایدیلن اندراس نسلک اسبابی.

۲ — اقتصادی نقطه نظرندن: فعالیتده بولنان خلقک مسلک ترکباتی، صنایع ومؤسسات، اعتبار، تجارت، نقلیات ... الخ ایش وارداتی: شهر عقاری،

۱ — شہر لڑک اسباب تاسیسی .

۲ — شہر لڑک شکلی .

۳ — شہر لشمہ .

ایکینجی فصل — شہر لشمہ مناسبتیہ ظہور ایدن
اقتصادی ، اجتماعی ، سیاسی واداری مسائل :

۱ — اقتصادی مسائل .

۲ — اجتماعی »

۳ — سیاسی »

۴ — عینی بومسائلک الہویوک شہر لردہ کی اشکالی .

۵ — شہر لشمہ علت اجتماعیمیدر ؟

۶ — نتائج .

اوچنچی فصل — شہر لردہ اداره تشکیلاتک اصلاری :

برنجی قسم — عمومی بر خلاصہ :

۱ — الہ قدیم اصلار .

۲ — قرون وسطی دن فرانسر انقلابنہ قدروجودہ

کلن انکشاف .

۳ — ۱۷۸۹ سنہ سندہ وقوع بولان فرانسر انقلابندن

صکرہ کی انکشافات .

ایکینجی قسم — اون سکزنجی عصری الہالدن

صوکر فرانسدہ اداری تشکیلاتک تاریخی .

برنجی دور — اسکی اصولک نہایتی (خاطرہ)

ایکینجی دور — ۱۷۸۹ دن اعتباراً انقلابک سکزنجی

سنہ سنہ قدر .

اوچنچی دور — سکزنجی انقلاب سنہ سندہ کی اصول

حکومت واو زماندن اعتباراً (۱۸۳۰) سنہ سندہ تاسیس

ایدیلن سلطنت دورینہ قدر .

دردنجی دور — سلطنت دورندن اعتباراً (۱۸۵۱)

سنہ سنک کانون اولہ قدر .

بشنجی دور — ۱۸۵۲ دن $\frac{۱۸۶۶}{۲۷}$ سنہ سنہ قدر ایکینجی

ایمپراطورلق .

آلتنجی دور — $\frac{۱۸۶۶}{۲۷}$ دن ۱۸۷۰ تاریخہ قدر اصول

ادارہ حکومت .

بدنجی دور — ۱۸۷۰ دن عصر حاضرہ قدر .

خصوصہ ، شہر لردہ جاری اولان عمومی خدماتک شرائطی
ایشک دوام مدتی . (یورولہ ، بوش وقت) اصغری
اجرت ومعاش ، شخصی ویا عمومی اختلافات ، یکی
قوتلرک جلی ایچون حسن ترتیب وشرائطی : (چیراقاق ،
معلومات ویرلسی ویر تدارکی) .

ب — واردات و استہلاکاتک (سکندان ماعدا)
حسن حالہ ارجایی ، حیات مصرفی ، اعاشہ تدارکی .
مذبحہلر وپازارلر . قوئوپرایفلر .

ج — واردانہ معاونت ایتک ، صنفلرک اقتصادی
تحولاتی ، پارہ اقتصادی ، بصیرت اجتماعیہ خصوصی
واجتماعی سیغورطلر . معلوللرہ وتام الصبحہ اولانلرہ رسمی
وخصوصی معاونت .

[۴ — فعالیت مدنیہ]

چوجقلرک وکنجقلرک تربیہ وتدریسی ، بوش وقت ،
اویونلر ، سپور ، فحش وجنایانہ قارشو اتحادی لازم
کلن تدابیر ، پولیس و بلدیہ ذہنتک وبلدیہ ایشلری
اشتراکتک انکشافی ، نتائج ، فرانسرلرک ذہنتی ،
اقتصادی ، بدنی احوالہ بویوک شہرلر تشکیلاتک
تأثیرات محتملہ سی وشہر تشکیلاتی صورتیہ وجودہ کلان
اصلاحات ، بو درسہ علاقہ دار اولان تعلیمات عملیہ ،
پارس شہرینک مختلف مؤسسہلرنی زیادت .

مساکن حفظ الصحہ سی حقندہ قونفرانسلر .

۱ — شہر لڑک سیاسی ، صحتی اولان شہرلرک
انشائی و تاسیس امکانتی تأمین ایدہ بیلمک ایچون لازم
کلن تشکیلات .

۲ — اولرک تقسیماتی ، تحت الزمین قسملر اووامہلرک
طرز تشکیلی .

۳ — خانہلرک تقسیماتی ، اولرک هوادار قسملری .

[شہر لردہ تشکیلات اداریہ]

۱ — برنجی سنہ درسیہ :

مدخل — شہر لڑک تشکیلات اداریہ سی یکی بر سئلہ در .

برنجی فصل — شہر لشمہ حادثہ سی .

- دردنچی فصل... عصر حاضرده کی شهر لر تشکیلاتنک
عمومی اساسلری .
- ۱ — یکنسقی اساسی .
- ۲ — اجرا برکشییه ، ملاحظات برحقو کشیلره
عائددر .
- ۳ — اداره مراقبه سی .
- ۴ — مراقبه قضاییه .
- پشنجی فصل — شهرامیی و معاونلری :
- برنجی قسم — شهرامینی .
- ۱ — دائرة مأموریتی .
- آ — حکومت وکیلی .
- ب — بلدییه وکیلی .
- ۲ — تشکیلات :
- آ — شهرامینلرینک اصول انتخاب و تعیینی .
- ب — شهرامینلرینک صلاحیتلری .
- ۳ — مراقبه :
- آ — مراقبه انضباطیه .
- ب — مراقبه نظارت .
- ۳ — مراقبه اداریه .
- ۴ — « قضاییه » .
- (یکنسجی قسم — معاونلر) :
- ۱ — علی العاده معاونلر .
- ۲ — خصوصی »
- شهرامینی مرخصلری .
- فصل ششم — جمعیت بلدییه :
- انکلیز اصولنک فرانسیز اصولیه مقایسه سی .
- (۱۸۸۱) جمعیت بلدییه تشکیلاتی .
- آ — « انتخاباتی » .
- ب — طرز مساعی .
- ۲ — دائرة مأموریتی .
- آ — بلدییه ایشلرینک اداره سی .
- ب — حکومت ایشلرینک استثنائی اداره سی .
- ۳ — جمعیت بلدییه اعضالرینک خصوصی وظائفی .
- ۴ — جمعیت بلدییه اعضالرینک هانکی مراقبه تختنده
بولندقوری .
- آ — مراقبه نظارت (تفتیش)
- ب — « اداریه » .
- ح — « قضاییه » .
- ۵ — شهرلرک خصوصی هیئتلری حقدده غایت
مختصر معلومات .
- پدنجی فصل — پارس شهری .
- ۱ — مسئله نك وصفی : نیچون خصوصی براداره
وارددر ؟
- آ — جغرافیا و اقتصادیات نقطه نظردن اسبابی .
- ب — سیاسی نقطه نظردن اسباب .
- ۲ — خصوصی ادارهیه حاکم اولان عمومی فکرلر .
- آ — سن ایالتی اداره سی ایله پارس شهرینک اداره سی
آرهنده کی درین اتحاد .
- ب — حکومتک صیق صیق تفتیشی .
- ۳ — پارس شهرینک و ایالات تشکیلاتلرینک تاریخی
- ۱ — بویوک انقلابک سکزنجی سنه سندن اول .
- ۲ — سکزنجی سنه سندن سوکره .
- آ — $\frac{1870}{4}$ تاریخنه قدر .
- ب — ۱۸۴۸ تاریخنه قدر .
- ۶ — ۱۸۵۱ سنه سنه قدر .
- ۵ — ۱۸۷۰ » » .
- ۵ — ۱۸۷۰ سنه سندن اعتبارآ .
- ۳ — استقلال و تمثیل اصوللری .
- ۴ — ایالت اداره سی و بلدییه اداره سی آرهنده کی
درین رابطه .
- ۱ — اجرا مأمورلری .
- آ — سن ایالتی امینی .
- ب — پولیس مدیری .
- ۶ — باش کاتیر .
- ۴ — شهرامینلری و معاونلری .
- ۵ — شهراماتی انجمنی .

۲ — تشکیلات ، مذاکرہ وملاحظہ :

آ — مجلس عمومی

ب — بلدیہ مجلسی

۵ — حکومتک مراقبہ سی :

آ — مجلس عمومیک مراقبہ سی (آیات ہیئتک عدم وجودی حالندہ) .

ب — بلدیہ مجلسنک مراقبہ سی .

۶ — نتائج .

سکزنجی فصل — لیون شہری تشکیلاتی :

۱ — تاریخ .

آ — ۱۷۸۹ دن اعتباراً (۱۸۵۱) سنہ سنہ قدر .

ب — ۱۸۸۱ سنہ سنہ قدر .

۶ — ۱۸۸۱ سنہ سندن اعتباراً عصر حاضرہ قدر .

۲ — عصر حاضر اصول ادارہ سی .

طقوزنجی فصل — بعض یووک شہرلرک پولیس

ایشلرینہ دائر خصوصی اصول ادارہ : مارسلیا ، نیس . . الخ ، مختصر معلومات .

اونجی فصل — معاونت بلدیہ مؤسسہ لری وتشکیلاتی

حقندہ عمومی فکرلر .

برنجی قسم — نظریات عمومیہ .

ایکنجی قسم — رسمی معاونت مؤسسہ لرینک

طرز فعالیت .

۱ — تشکیلات عمومیہ .

۲ — اداری ہیئتک مأموریتی وتشکیلاتی .

۳ — اداری ہیئتک دائرہ مأموریتی .

۴ — ہیئت اداریہنک مراقبہ سی .

اونجی قسم — پارسدہ وسن آبلتندہ کی خصوصی

تشکیلات .

معاونت رسمہ اداره عمومیہ سی .

اون برنجی فصل — شہرلرک اصول مالیہ سی .

۱ — عمومی اساسات .

۲ — فرانسمز اصولنک قواعدی .

۳ — شہرلرک مصارفی .

۴ — واردات بلدیہ .

۵ — شہرلرک استقراضاتی .

۶ — بودجہ .

۷ — بلدیہ لرک محاسبہ سی .

اون ایکنجی فصل — شہرلرک حقوقی معاملات :

برنجی قسم — حقوق حکمیہ (حکمک) .

ایکنجی قسم — شہر دعوارینی هانکی محاکمک

رؤیتہ صلاحیتدار اولدینی ؟

اونجی قسم — شہرلری علاقہ دار ایدن ایشلردہ

محاکمہ بولنق کیمہ عائد اولدینی ؟

۱ — بلدیہ لرک رسمی مأموریتی طرفندن سوق

اولئان دعوالر .

۲ — منافع بلدیہ یی مدافعہ ایچون خصوصی اشخاص

طرفندن سوق اولئان دعوالر .

دردنجی قسم — بلدیہ دعوالرندہ کی اصول محاکمہ .

بشنجی قسم — بلدیہ لره قارشو اولان وسائل

اجرائیہ مجبورتی .

(ایکنجی سنہ درسیہ)

شہرلردہ رسمی خدماتک اصول اجرایی .

برنجی فصل — شہرلردہ پولیس .

۱ — اساسات عمومیہ .

آ — پولیس آمرلری .

ب — پولیس مأمورلری .

۲ — اشخاصک مرور و عبوری حقندہ پولیس

اصولی .

آ — اساسات .

ب — اساساتک موقع اجرایہ قولنسی . مراسم ،

جنازہ مراسمی وموسیقی مراسمی وسائرہ .

۳ — آراہ لرک مرور و عبوری حقندہ پولیس اصولی .

آ — خصوصی آراہلر .

ب — اعلانات آراہلری .

ح — کیرا آراہلری .

۴ — اجتماعات عمومیہ محفللری حقندہ پولیس اصولی .

- آ — قهوه خانه لڑ و مشروبات محلا ری .
- ب — عمومی سپر و تماشا پر لری ، تیار و لڑ و سینه مار .
- ۵ — ضابطه اخلاقیه ، فحشک صورت تنظیمی .
- ۶ — یی قلمق اوز و ردا ولان مبانی حقنده کی پولیس اصولی :
- آ — مبانی خصوصیه .
- ب — مبانی عمومی .
- ۷ — اعاشه پولیس .
- آ — صحیه تفتیش اموری .
- ب — مواد غذائی تجارتک انتظام آلتنه آلتنه ، بالمزاید صایش ، مواد غذائی و زنی اکمک وات نرخی .
- ۸ — مساکن حقنده تحت عمومی پولیس .
- آ — شهرامانی تحت عمومی منفعتنه اجرا آلتنه مکلفدر .
- ب — انشایدیلده جک اولر حقنده شهرامینک صلاحیتی .
- ح — انشایدیلش اولان اولر » » »
- ایکینجی فصل — شهر املاکی :
- ۱ — تعریفلر ؟ املاک عمومی ، املاک خصوصیه .
- ۲ — عمومیت اعتباریه املاک عمومی نك اصول قانونیسی .
- ۳ — املاک عمومی اصولک شهر لدرده طرز تطبیق .
- ۱ — قومشوق وظائفی .
- ۲ — عمومی یولاردن استفاده .
- ۳ — عمومی جاده و میدانلرک جزا قانونک تحت حایه سنده بولفسی .
- ۴ — عمومی یولارک قابل وصیت اولمادیفی : رخصتلر ، اشغال امتیاز لری .
- ۵ — عمومی یولارک تحدید ، استقامت خریدلری ، استقامت مکلفیتنه امانت مجبوریتی .
- ۴ — یولاره مربوط اولان مکلفیت :
- آ — جاده لرك دوشمنه سی .
- ب — یایا قالدیرملری .
- ۵ — تربین نقطه نظرندن طرق مکلفیتی .
- آ — قانون ایله تأسس ایدن مکلفیت .
- ب — عادت ایله » » »
- ۶ — حکومت مجاسنک طرق مکلفیتی حقنده کی حق قضایی . (مبانی ، مناظر ، مواقع مجسمه لرك محافظه سی) .
- اوچنجی فصل — شهر لدرده عمومی ایچون استملاکات .
- برنجی قسم — استملاکک نظریات عمومی سی .
- ایکینجی قسم — شهر مرکز لری حقنده قواعد خصوصیه .
- ۱ — منافع عمومی فکرینک تعریفی (صحت ، نفاست) .
- ۲ — استملاکات ایله حاصل اولان ترفع قیمت (حال حاضرده و استقبالد) کی قیمت فرقک استیفاسی .
- اوچنجی قسم — استملاکات حقنده قوانین شمع .
- ۱ — شهر لری توسیع و تنظیم پلانلری .
- ۲ — محاربه نتیجه سنده تخریب ایدیلن منطقه لدرده کی اراضی مملوکنک تحدید و تفریق ، و بوضو رتله حصوله کلن پارچه لرك برآرایه جمع و ربطی .
- دردنچی قسم — پارس شهرینک محیط مستحکم حالندن جیقارلمسی و بوضو رتله سربست قالان یرلرک میدان حیقماسی .
- ۱ — مسئله نك جهت تاریخی سی .
- ۲ — یکی قانونک اصول تربیتی .
- آ — محیط مستحکم و منطقه سنک قالدیرماسی .
- ب — پارسده استحکاماته عائد اراضینک ترکی و منطقه لرك شهر طرفندن استملاکی .
- ۶ — استحکاماتک رفی نتیجه سنده حاصل اولان اراضینک صورت استعمالی .
- ۳ — معاملاتک جهت مالی سی .
- دردنچی فصل — امواته اوله جق معامله .
- برنجی قسم — جنازه لره یایلا جق معاملاتک انتخابی .
- ایکینجی قسم — جنازه مراسمی .
- اوچنجی قسم — دفن موافقی .
- ۱ — اساسات ، مزارقلر .
- ۲ — اساسادن استنارل : خصوصی امواتک دفنی .
- بشنجی فصل — رسمی دائره لرك وظائفی حقنده کی بلدی لرك مسؤولیتی .

بو یوک شہرلر ترا کانتک عدلی ، اداری اصول اداره سی .
حقوق شناسلره ایراد ایدیلان سؤاللر : شہرلر شمش منطقه لرك
حقوقی اصول تنظیم و اداره سی شہرلر منطقه سی اصولی ویا
شہرلرک ایالت اداره سی اصولی ، بومسائل اوزرینہ فکرلرک
و پروژہ لرك خلاصہ تاریخی سی .

۲ — شہری ترا کانتک حقوق اساسی سی ، علم
اداره اساساتک بومادہیہ تطبیق (ہازی فائول نظریاتی) ،
شہرلرک عمومی مختلف صلاحیتلری ، تدابیر اتخاذا
و تشکیلات صلاحیتی ، مراقبہ صلاحیتی ، پولیس و تأسیس
انتظام صلاحیتی ، فرانسه بو یوک شہری ترا کانتکدن
شہر قوہ رسمہ سی ، حال حاضر تشکیلاتک تخطری ،
احوال حقوقیہ و ادارہ سنک حال حاضر و یقین استقبال
احتیاجہ توفیقاً تعدیل ایچون مرعی اولان و پاتکلیف
ایدیلان مختلف اصوللر :

شہرلرک محیط مشترکندہ بولان نواحینک الحاقی ،
نواحی آراسندہ تشکیل ایدن ہیئتلر وجعتلر ، بعض بلدیہ
ایشلرینک ایالت اداره سی اصولی اوزرہ تنظیمی ،
بو اصوللرک تنقیدی ، استقالدہ کی احوال حقوقیہ ک
تصوری ، شہرلر ترا کانتک منطقه مجلسی (مجلس عمومی)
و محلی مجلسنک (مجلس بلدیہ) تدابیر و تشکیلات صلاحیتی ،
امرو اجرا صلاحیتی ، مراقبہ صلاحیتی (امینلر ،
بلدیہ مرکز مأمورلری ، معاونلر ، منطقه مجلسندن ویا محلی
مجلسلردن انتقال ایدن دائمی دوائر ویا ہیئتلر ، مراقبہ
مأمورلری ، ... الخ بو صلاحیتی حائر مأمورلرک
اوینادقلری خصوصی روللر .)

۳ — شہرلر مؤسسات عمومی سنک استقالتی و صنا -
یعلشمہ سی ، یکی حقوق عمومیہ متعلق اشخاص معنویہ ک ،
حقوق خصوصیہ متعلق اشخاص معنویہ بدرجہ ک متلی ،
حقوق خصوصیہ اساساتک شہر ترا کانتہ تطبیقاتی ،
بو اساسانہ کورہ ترتیب و تنظیم ایداش شہرلرک باشلوجہ
مؤسسات عمومیہ سی حقدہ خلاصہ بر مطالعہ .
(نقلیات ، تئوریات ، نسخین ، صو ، الکتریک قوتی ،
صوبوللری ، تنظیمات و تظہیرات ، مساکن ، اعاشہ ،

برنجی قسم — رسمی دائرہ لرك وظائفی حقدہ
صلاحیت ، اداره تشکیلاتک مسئولیتہ متعلق نظریات
عمومیہ ک بلدیہ لره تطبیق ؛

۱ — ملاحظات عمومیہ .

۲ — تاریخی .

۳ — الیوم جاری اولان قواعد .

ایکینجی قسم — جبر ظاہریہ ویا غلبہ ک ویا خود
اجتماع ایدن انسانلر طرفندن ینہ جبرایہ ارتکاب اولنان
جنایات و جرمئدن متولد خسار و ضیاع حقدہ قواعد
خصوصیہ .

۱ — عمومی و تاریخی ملاحظات .

۲ — مرعی قواعد .

(قونفرانسلر)

پارس شہری ایلہ ماحقاندہ منافع عمومیہ خادم
بو یوک دوائر رسمہ ک اداری ، عدلی ، فنی تشکیلاتی :
۱ — پارس شہری ماحقاندہ تشکیلات ادارہ ،
اساسات عمومیہ سنک تخطری ، دوائر رسمہ تشکیلاتندہ
بلدیہ لرك ، نواحی ہیئتلرینک ، سن ایالتک اوینادقینی رول .
۲ — منافع عمومیہ خادم بو یوک دوائرک اداری ،
عدلی ، فنی تشکیلاتی حقدہ تدقیقات تاریخی و تنقیدیہ ،
نقلیات ، تظہیرات و تنظیمات ، صو ، هواغازی ،
الکتریک ، جنازہ مراسمی .

۳ — ایشلتمہ و امتیاز اصوللرینک ایالت طرفندن
مشترک اداره ہ سوق خصوصندہ انکشافات .

(مقرر حکومتلر تشکیلاتنہ متعلق مسائل قانونیہ حاضرہ)
۱ — شہر مساعی مکتب عالیسی تدریس آندہ
تاریخ شناس ، معمار ، عالم ، اجتماعاتی و حقوق شناسانک
اوینادقلری روللر . حقوق شناسانک خصوصی وظیفہ
و مساعی سی .

بو یوک شہر لردہ کی ترا کالک عصر حاضرندہ اجتماعی
حادثاتی حقدہ دیگر درس لردہ پایلان تدریساتک تخطری :
فرانسه ک پارس ، لیون ، مارسلیا ، بوردو بو یوک شہرلری
و ممالک انجیہ دن (لوندردہ ، برلین ، نیویورک ... الخ) کچی

دردنخی فصل — اموال بلدیہ جهت مالیه بلدیہ نک
اصول اداره سی :

۱ — یرلی خلقت و جماعتک اموالی ، بواموالدن
استفاده صورتی .

۲ — بلدیہ جهت مالیه سنک اصول اداره سی :
مصرفک تصدیق و وارداتک تخصیصی . بودجه نک تنظیمی .
شهر لرده ، بالخاصه انکتره و آمریقاده انتظامک
محافظه سی :

برنجی فصل — انتظامک محافظه سنده یرلی مأمورلرک
روی حقندہ مسئلہ :

۱ — حل ایدیله جک مسئلہ .

۲ — انکایز اصولک فکر اساسیدی ، انتظامک
محافظه سنده یرلی مأمورلرک وظیفه سی .

۳ — انکایز پرنسپلک تحققی و حکومتک مداخله سی .

۴ — جاهیر متفقہ آمریقا اصولی .

ایکنجی فصل — انتظامک محافظه سیلہ مکلف مأمورین
صلاحیتلری :

۱ — انکایز حقوقک حل مسئلہ خصوصندہ کی
انکشافاتی .

۲ — انکایز ایالتلرنده پولیس مأموریتلری .

۳ — انکایز قصه لرندہ پولیس مأموریتلری .

۴ — جاهیر متفقہ آمریقاده تعقیب ایدیله قواعد
اوجنجی فصل — انتظامک محافظه سنہ یاردم اییون
دعوت اولنان اشخاص :

۱ — انکاترده مأمورین تشکیلات و ترکیاتی .

۲ — انکاترده مأمورینک فعالیتی اصولی .

۳ — انکاترده انتظامک محافظه سنہ ، اشخاص
خصوصیه نک ده تشریحی .

۴ — جاهیر متفقہ آمریقاده کی مأمورین .

دردنخی فصل — مخاطره لی احوالده بالخاصه انکاترده
انتظامک محافظه سی :

۱ — اجتماع و نمائش اصولی ، غیر قانونی اجتماع
وقوعندہ مأمورلرک صلاحیتی .

معاونت عمومی ، یورطی و تنزه اکلجه لری ، تربیه بلدیہ
... الخ کی مؤسسات عمومی سی) اوزرندہ مبنای
بولنان و بولنمیان عمومی شهر عرصه لرینک عینی اساسانه
کوره اصول اداره و محافظه سی ، حکومت مؤسسات
عمومیه لرینک شهر ترا کتندہ مستقبل ترتیبات و تشکیلاتی
(پولیس ، امنیت عمومی ، عدلیه ، معارف عمومی .)
۴ — قانون وضع و تنظیمندہ مستقبل شهر ترا کتندہ
جهت مالیه سی و بودجه سی ، یکی حقوق عمومی اساسلرینه
توفیقا شهر ترا کتانی و خدمات عمومی سنک بودجه سی ،
اصول عاسبه سی ، اصول مالیه سی ، ممالک اجنبیه شهر
ترا کتندن فرانسه ده آلتش مثاللر .

۵ — شهر ترا کتندہ عالم مدینه ده کی روی ، بین الملل
بویوک شهرلر هیئتک اصلی ، تاریخی و مستقبل انکشافاتی ،
بویوک شهرلر ترا کتندہ بین الملل مستقبل عامللری .

(برنجی سنہ)

مدخل

ممالک اجنبیه ، بالخاصه انکتره و جاهیر متفقہ
آمریقاده بلدیہ استقلالی و بونک امریتی ، ظهور و ترقی سنک
شرائط عمومی سی ، حدودی و تظاهراتی حقندہ عمومی
فکرلر .

برنجی فصل — یرلی مأمورلرک یشدیلمسی و تشکیلاتی :

۱ — یرلی مأمورلرک یشدیلمسی .

۲ — یرلی مأموریتلرک عددی و آرا لرندہ کی مناسبات .

ایکنجی فصل — یرلی مأمورلرک دائره نفوذ
و صلاحیتی :

۱ — حل اوله جق مسائلک اساسات عمومی سی ،
حال حاضر صورتی و فرانسه ده کی طرز حلی .

۲ — انکتره و جاهیر متفقہ آمریقاده قبول اولنان
طرز حل .

اوجنجی فصل — یرلی مأمورلرک ربیجی اجرائی ،
قوه عمومی نک مراقبه سی :

۱ — مراقبه نک اقسام اداریه سی .

۲ — اقسام اداریه ده فعالیت .

۳ — قوه عدلیه نک مراقبه صورت مداخله سی .

۲ — عصيان وقوعنده مأمورلرك صلاحيتى .

[شهرلرك تشكيلات اقتصاديه سى]

باغچىلى محللرك اساساتى وانلرك انكلترده ده كى تطبيقى:

برنجى تحصيل سىسى — شهرلرك مكمل برصورتده ترتيب وتنظيمى اصولك تصور وتطبيق .

آ — صنايع تمر كزينك محذورلى وحلى چاره سنك تحريسى .

ب — حال حاضرده نظرآ بوبوك مركزلر ده معقول

اصلاحاتك مادى امكانسز لنگ بر خطاى

اقتصادى اولدينى .

۱ — باغچىلى محللرك ايلك علامتلىرى .

۲ — مرتب صنايع مهاجرىنك تجارى .

۳ — نظرى باغچىلى محللر :

آ — معمارى .

ب — ادارى .

۶ — اجتماعى .

۵ — اقتصادى .

نقاط نظردن .

۴ — عقارك ترايد قيمتى حقنده ، باغچل شهرك عقار اصول اقتصاديسى .

۵ — تعريفات .

ايكنجى تحصيل سىسى — انكلتره نك مشهور باغچىلى

شهرى اولان (لچوورد) ك عقار اصولى وانك نتايجى ، لچوورد شهرينك وجوده كلسيله بوبو فكرك نه درجه ده قوه دن فعله چيقدىنى .

۱ — عمومى تنظيمات و تقسيات .

۲ — بداينده كى انكشافات .

۳ — مساكن نمونه لرى ، عمله مساكنى ، باغچىلر ،

سربست ميدانلر ، زراعت منطقه سى .

۴ — اصول اداره .

۵ — صنايع وتجارت .

۶ — منافع عموميه ايجون مؤسسات .

۷ — حفظ الصحت .

۸ — صنايع نقيسه .

۹ — (لچوورد) شهرى مثالك نتايجى :

آ — سوبه جيانك يوكسامسى .

ب — (وولون) شهرينك تاسيسى .

۶ — بونك ديكر ممالكده قسما تطبيقى ، باغچىلى

شهرلر حقنده بين الملل اتحادك رولى ، شهرلرك

اصول تنظيم و تقسيمى .

۱۰ — پيك حالنده بولان شهرلر .

[بلديه جيلك حقنده قونفرانسار]

بلديه لر ده اقتصادى فعاليتك تدقيق .

برنجى تحصيل سىسى — عموميت اعتباريله بلديه جيلك :

۱ — بلديه جيلك ويا بلديه مداخله جيلكى ، تعريف

قابليت ، قابليت انكشافى واساينى .

۲ — عملى تطبيقك اصول مختلفه سى .

آ — امتياز ، امتيازك منفعتلىرى ، محذورلىرى ،

حدودى .

ب — شهرك كندى وارداتيله ادارسى ، لياقتلىرى

ضعفلىرى ، قابليتى .

۶ — مشترك اداره ، اساسات واصوللرى ، قيمتى ،

استفاده اصولى ، نتايجى ، توسى .

۳ — عدليه فقط نظردن بلديه جيلك :

فرانسىك ۱۸۸۴ سى سنده كى بلديه قانونى ، قانونك

شوراي دولتجه تفسير وتحيديدى ، بلديه اصولى حقنده كى

قانون لايحه سنك سربستى ده دوعرى تمايلاتى .

۴ — اقتصادى فقط نظردن بلديه جيلك :

شهرك حيات اقتصاديه سنده وبالخاصه استهلاك احتياجنده

بلديه لرك آومان اهميتى ، شهرلرك بوبوك دوائر اقتصاديه سى

آ — برنجى درجه ده كى ايشلر : صوتوزيى ، سويرات ،

نقليات ، فرانسه وخارجده بوايشلرك بلديه لره انتقالى .

ب — ايكنجى درجه ده كى ايشلر : مسكن ، اعاشه

(اككيجيلك ، قصابلى ، بلديه سودخانه لرى الخ)

حفظ الصحه (بلديه اجزاخانه لرى) اككسجه ، تماشا ،

قونسر وساثره نك فرانسه وخارجده بلديه يه انتقالى

محافظه ایدمش ساحل و کوی خالنده آغاچلی منطقه لر .
شهرلرک کوزلکسکه و فاسقه یاردم ایدن ازهار ترتیبینه ،
فدان و آغاچ دیکلشمس محللر ، شهرلرله مخصوص اصول
فاسقت :

شایان تماشا اصوللر ، صرمله اصولی ، محیط مرئی
خارجی ، عموم یولک تزییناتی ، قباطاسلاقدن تنظیمانه انتقال ،
ترتیب و تنظیم پلاننک احتیاجات مختلفیه تطبیق اصولی ،
تنظیمات قاضیه ، نتایج .

ایکنجی تحصیل سنه سی — شهرک پروغرامی ،
شهر دوسیه سنک تشکلی ، دوسیه عناصرینک ترسیم صورتیه
ارائه سی ، شهری تشکیل ایدن عناصرک جمعی ، کتله لر ،
محللر ، مقاصد مخصوصیه تخصیص اصولی ، منطقه لر ،
منطقه لرک تحدیدی ، شهر اصولنک عملیات مختلفه سی ،
یول ترتیب و تنظیمی پلانری (تصحیحات ، تزیینات) ،
سودلرک واستحکاماتک رفعی ، توسع پلانی (کشف اول ،
اراضیه تطبیقی) استقامت خریطه لری ، عرصه لرک تفریق ،
متفرق عضولرک یکدیگرینه ربطی ، تفصیلات خریطه لری
ودیکر طاسلاقلر ، پیچیم ، ارتفاع ، اشکال منظمه حانه
افراغ ، درین منظره لر .

فرانسه و ممالک اجنبیه ده ، نمونه امثال اولان شهرلرله
عائد پروغراملردن تدریسات عمومیه اخراجی ایچون تدقیقات
و تمیعات نتایجی .

— مابعدی کلاچک نسخه ده —

۵ — مایه نقطه نظرندن بلدیجیلک :

بلدییه مداخله جیلکنک جهت مالیه سی ، اساساتی ،
تدقیقانه نظراعتبارده آله حق تدابیر احتیاطیه ، خلاصه ،
نتایج .

ایکنجی تحصیل سنه سی — ممالک خارجیه ده بلدییه جیلکنک
خصوصی تدقیقی : انکاتره ، آلمانیا ، ایٹالیا و جاهیر متفقہ
آمریقاده بلدییه جیلکنک صرله ایله تدقیقی .

[شهرلر انشااتی و اصول فینه سی]

برنجی تحصیل سنه سی — مدخل ، سنه لک پروغرام ،
شهرلر فاستنک تعریفی ، شهرلرله حیالک اشکالی ، وضعیتک
جغرافیا شرائطه نسبتله شهری و یاقروی تراکاتک تدقیقی ،
شهرلرک تشریحی ، مرکز لر ، اتمهم دامارلر ، محللر .
ایذیه لی ساحلر : خصوصی انشاات ، عمومی انشاات .
اینه سز ساحلر : مرور و عبور ، تجدید هوا ،
اویونلر ، سپورلر .

عمومی یوللر ، عمومی یوللرک مختلف علائمی و اصول
تنظیمی .

یوللرک مقطع طولانی و عرضانیسی ، سربست ساد
سه لرک تنظیمی ، یارق اصولی ، باغچیلی جاده لر .
مرکز تراکی ایله کوی داترله ری آره سندله اصول
انتقال ، باغچیلی محللر ، توسع ایچون اورمان حالتده

